

ximi apud omnes ponderis esse debeat, recteque ab eo sit obseruatum, ipsam, qua hodie vtuntur iudicia Holsatica, Ordinationem Prouincialem constare ex iuris communis et Saxonci principiis. Vid. Illius Praefationem ad Consilia Kiliens, pag. 25. et Introduct. ad Praxin Forens. §. 21. Potius lustrabo paululum, quae huc faciunt, veterum et recentiorum constitutionum monumenta, quibus Saxonicum ius in Ducatum Holsaticum iam olim inuestum amplissime confirmatum est. Iam inter Regem Christiernum II. et Ducem Fridericum I. anno MDXXII. inita transactione de iure Saxonico in Ducatu Holsatiae seruando conuenit his verbis: Gdt schall ock im Herzochdom tho Holsten na eren olden Gewonheit unde Statuten, ock na dem Sachsen spegel gericht und geordelet werden, und in dem Herzochdom Schleß wick na dem Jüniischen Koninch Woldeinarus Lobeck und Rechten gespracken werden, na vermöge der Priuilegien. Vid. Verdrag und Einigung twischen Köninch Christiern und Herzog Frederich dem Ersten im Closter Vordeholm am Middewecken Laurentii 1522. Deinde in prima omnium, quae promulgatae sunt, Ordinatione Prouinciali, nempe ea, quae anno 1570 prodiit, P. II. Tit. III. prouisum legitur, vt deficiente consuetudine seu lege non scripta ex iure Saxonico petenda sit caussae decisio, specie vero iure Saxonico non comprehensa, ad ius commune demum configere iudices oporteat. Porro in Comitiis Provincialibus anno MDCX. Flensburgi celebratis usus iuris Saxonici in Holsatia denuo confirmatus est, sed iuris Saxonici veteris et communis, quod vocant, Constitutionibus Saxoniae Electoralibus reprobatis repudiatisque. Evidem quum Imperantes Ordinationem Iudicialem anno MDXXXVI. repetitam promulgarent, consilium soinituros receperunt, qua ratione iuris Saxonici, quod in rerum obtinere posset deberetque monumentis, codex com-

po-